

棕

亭

詩

鈔

棕亭詩鈔卷十五

全椒 金兆燕 鍾越

辛丑三月二十八日黃仲則招集于法源寺寓餞

花次韻

孤客久寄伽藍殿僧房百花看已徧忽然興盡逝將歸
桑下不肯三宿戀匆匆行李駕騾綱忍使綠陰冷孤院
我居巷南子巷北一春未識春風面偶爲避雨過我廬
沽酒聊爲小歡譙牀牀漏幕礙客座濕雲一窩散千片
促膝對酌兩三人居然自云作偉餞衝泥市脯苦未能
炊黍但趁客厨便君才何富君遇慳卽此已當入珍擅

聞君歸後正新昏畫眉好捧螺子硯何異及第曳宮袍
爛醉瓊林飽芳嚙人生得意須少年花魁定作羣芳先
我今垂白滯京華宦情冷落遊已倦安得同君並轡行
歸途駟馬隨徐羨詩成雨過月在天鐘聲寺裡催虬箭
方采芝閨秀將隨宦湖南賦詩留別程魚門太史
過余齋中見其詩大爲嘉賞因囑爲其子岸之
求婚余一言而婚定因次原韻贈行兼以誌喜
九衢遍訪玉臺溫選婿方知愛女恩今日良媒緣好句
老夫冰下豈能言

玉樓珠樹義山詩阿閣鸞凰好唱隨偕老他年同敬佩

莫教東美暫相離

衰同伏勝誰傳業窮似虞卿未著書他日談詩歸里巷
清才只憶女相如

君驅金犢曉亭遙我整蒲帆趁暮潮從此吳頭兼楚尾
不知誰和白雲謠

送王菊莊孝廉下第南歸次蔣清容韻二首

車馬長安道風塵已白頭幾年空席帽今日又扁舟
襟三春夢蕭涼五月裘淮陰知小泊垂釣勝封侯

菊莊
江寧

人爲淮安

書院山長

二水三山路同君舊有詩蒼鵬來北道惆悵負東籬去

燕難成壘枯蠶豈有絲秋來紅豆熟南國定相思

杜宇

杜宇聲聲動客愁客心原未擬勾留已知去住同漂梗
肯爲行藏更倚樓千里關河雙鬢改五更風雨百花休
殷勤莫向枝頭喚明日春帆便買舟

題閨秀鮑季如北征草

肯將弱蔓附柔枝健筆凌空浩氣隨續史定堪兄並駕
論詩惟以父爲師家居本得江山助客路彌增綵藻奇
不讀令暉新句好那知才子在蛾眉

壽張過王彥章故里

寒流汶泗浩湯湯獨客輕帆過壽張曠代名存皮有毛
高原寺古鐵留鎗千秋事業同朝露一笏山河半夕陽
莫向園亭嗔綠砌管城坏土野苔荒

贈袁鯉泉明府

征衫幾載感蹉跎塵土光陰夢裡過歸雁偶隨晴旭到
寒梅先受早春多飽看客路千帆影乍聽鄉音五袴歌
從此敝廬堪遣興好偕耕牧答陽和

汪存南中翰偕其內子芝田讀方采芝閨秀與余
唱和之作各次其韻示余輒復繼組兼寄采芝

四首

名流相愛勝邢溫
閨閣偏多知己恩
共展華箋珍重意
簾前鸚鵡定能言

三千里外兩家詩
忽作雲龍處處隨
好付裝池成小軸
教他琬壁不相離

女嬰砧畔應懷舊
柳毅祠前好寄書
爲寫烏絲付賓鴈

衡陽紙價定何如

時采芝隨宦湖南

望京依斗路非遙
旌櫓春來便趁潮
裙幄他時聯綵伴
長安應更播新謠

令于上章亦次前韻在贈因再疊韻奉訓四首

浮毬破甕潞兼溫

賜衮他年早拜

恩此日蘭成初射策爭看下筆已千言

家事知君止有詩九臯鳴和好相隨鳳毛池上傳佳話
追步鑾坡未肯離

紫羅囊已供君珮白練裙應許我書快向東隣識騏驎
金臺萬匹有誰如

文瀾高濶壯觀遙人駭韓蘇似海潮却笑老夫枯澁甚
但隨擊壤作村謠

重到揚州示舊時諸友

我本高陽舊酒徒白頭空自爲書劬濫竿曾憶遊齊市

退鷁還教返宋都殘啄誰分紅豆粒酣吟且共紫薇壺
昔年儔侶今猶在張丈殷兄更一呼

飲紫玲瓏館後移宿小西藏書別館

東家食罷西家宿我生快意此其獨朗月隨人直過街
繁花對我高連屋插架牙籤擁百城匡床棐几一簾清
便思假館常爲客滌硯鈔書過此生

曉起

客床無久夢起坐聽鳴禽靜領曉春氣暗傷垂老心江
雲開遠岫海日照高林小適諧吾願驅車一散襟

三鳳緣傳奇題詞十首

欲摩天上最情多尺水能生古井波異代合成三婦豔
不須皺面更觀河

漫道珠宮不染塵偶然會合也前因賺他洗馬言愁後
又作人間最幻身

柳色章臺大道旁深閨何事鬪眉長不緣妒絕還癡絕
早向華筵共捧觴

高風林下自寥寥媒鳩如何欲強邀小試鴛鴦顛倒手
居然霧市有張超

隔幕聯吟意已通伯勞飛燕忽西東正看射雀來屏外
誰信拈花向鏡中

木蘭言金 卷之三 三 則重車
纔投麗句便寒盟不料書生太薄情歸趙忽還篇裡玉
渡河空泣夢中瓊

登天捉月已無階更駭零丁帖滿街自怨佳人真薄命
六張五角事全乖

刁斗聲中卸錦裙却將雲雨洗邊氛健兒百萬皆貔虎
入幕郗生也冠軍

篋裡瑤篇定尙存故人相見復何言戈鋌隊隊齊歌凱
玉面登壇總斷魂

三珠樹上好棲鸞梅子同心尙帶酸悟得前生思往事
定教淒感入餘歡

題申改亭出蜀集後

巴峽連巫峽猿聲不可聞
三年孤宦客萬里故山雲倦
目看飛鳥歸心入暮曛
荆門回首處絲管憶紛紛

以詩代書示璉

汝父來揚州與我同作客
小樓對遙山堪與數晨夕
家中薪米事汝須自練習
晚歸自學舍燈下毋怠斂
明年採泮芹勇先躍三百便
爲汝娶婦三代慶儔匹一
硯便汝傳守此慎勿失

方竹樓寓小山上人文室以詩見示次韻答之

聊向荒園伴柳眠消磨風雪歲
寒天淵明未免瓶無粟

夷甫安能口不錢垂暮襟懷同槁木故交情味勝香茶
鬢絲禪榻相看處一縷茶烟共惘然

壽管平原七十

昔年襖被來揚州吹簫同上文選樓我作狂歌君作畫

秋江擁棹相夷猶沈牧之琴焦紀酒

謂沈江門
焦五斗

興酣往

往輕公侯我年五十始薄宦十載飽噉揚州飯君亦移
家與我隣隔街慣作往來伴廣文官舍無來賓病妻一
卧常經旬仗君倉扁挾異術每從肘後生陽春前年別
君忽向北今年仍作揚州客一觴壽君君勿揮花前相
對頭俱白荷花萬柄滿芳洲七十老翁何所求且將百

幅鷺溪絹盡寫名山作卧遊

除夕和金香署韻

入山久欲效陽城猶向天涯作過更六枳籬邊身暫寄
九英花下眼逾明易消我已慚春雪未昇君須愛午晴
客裡椒盤同一醉可堪俱抱故鄉情

壬寅元日康山分韻得東字

去年

朝退日華東仙仗同看曙色紅獨客又逢新歲至一樽
聊與故人同飄零白髮江關外層疊青山曉閣中
瘠瘠貞珉巍煥處幾回瞻就傍離宮

元日作二首

棄官仍浪迹休老知何年中夜不能寐
照影燈空然蕭騷松竹下寄茲屋數椽
所託非吾廬眠食只自憐歲月既已逝
聲名何足傳矯首瞻斗杓衆星如列錢

騁懷多壯年樂志宜晚歲楊舟泛中流
隨處皆可繫寓廬頗靜便客至惟談藝
既不挂朝紳復免擁征袂暖招春風來
寒送冬日逝名園曲徑幽深巷小門閉
燕居度三朝尙論堪百世

竹溪和尚齋中看梅步韻

香生骨裡慧生牙合住孤山處士家
自是詩人饒淨業

不須天女散空花一聲清磬穿林外幾縷輕雲傍水涯
更待高樓明月上疎枝冷處對丹霞

咏草蟲燈次韻

風度翩翩逐隊輕華堂深處最分明微軀未免因人熱
野態難教振羽鳴熠熠偶留花外影迷離應似畫中情
開蛾時節年光好莫憶涼宵嘆息聲

贈應叔雅八綫表媵以詩

盲者得鏡僅蓋卮闇者得婦但爲炊佳人烈士不可見
紅粉寶劍安所施我有八綫表到手不敢披平生未解
幾何學對此如捫沒字碑吳杉東已死盛秦遠客獨

抱此冊將貽誰叔雅先生精西術渾天周髀算無遺胸
羅列宿二十八鮮于妄人未足奇勿庵梅氏書滿架斯
卷堪與籌同持涓流入海塵足嶽庶同餘閨添零畸

寒食日見燕

辛夷花老杏花殘一剪驚心掠畫欄熟食又逢佳節至
舊巢猶戀梁梁寬江南景物三春老海上風烟萬里寒
知爾處堂原不易夕陽影裏幾回看

贈葛步雲

舊地重爲客樽前且盡歡津梁吾已倦歲月子休寬迹
尙同蝸寄名須整鳳翰試看荀令則三十早登壇

題馬堯峯小照

綠暗紅稀春欲去，扁舟一棹留春住。
柳自搖晴花自飛，武陵不遺漁郎渡。
知君應惜少年時，書卷隨身任所之。
端居莫謂無舟楫，已有高艚在水湄。

月下看玉蘭

花光翕習露光濃，樹在樓西月在東。
似以鷺縵醉山簡，更將鶴氅迓王恭。
靜含夜氣鋪真色，清帶幽輝點太空。
同把襴衫拋白苧，一齊飛入廣寒宮。

朱立堂齋中廣南小雞分韻得陽字

小影穿籬本易藏，依人聊復立斜陽。
花間彩羽來新伴，

夢裡紅棉是故鄉豈以長鳴悲失旦肯偕倒挂妄收香
無多飲啄山梁好歌舞休懷萬仞岡

飲小山上人庵中

三匝經堂記昔曾打包又作啞羊僧

近因病十年舊夢
嗽聲瘖

心情減一枕新秋肺病增指月乍憐清似水看雲自笑
冷于冰蓮花火宅爲生活敢厭摩訶熱焰騰

餞花詞同秦石翁作

花開爭來看花落誰復顧只有惜花人徘徊不能去前
日湖上春風顚滾滾稷雪撒滿天一夜天桃盡萎敗枝
上衰紅真可憐斜日穿雲映山郭肩輿急赴看花約主

人招客出林呼稚子聞聲隔牆諾今日來遊本爲花誰
知花已委泥沙惜花共賦傷心句舉杯相對同咨嗟獨
有石翁心似石笑我對花空嘆息搖毫翻作餞花詞不
許牛山淚輕擲此語諸公須細尋餞花仍是惜花心離
亭忍淚一揮手腸斷陽關已不禁

並頭芍藥次韻四首

一幹雙花素豔新生綃淡染得天真清姿絕世誰堪比
只有車中兩璧人

玉翦穿簾上下飛妒他清夢貯重幃同心挽得東風住
着意留春不放歸

錦棚雕檻護春晴濃露天邊別有情偏向將離成巧合
一般金帶兩圍明

鏡裡差肩倚翠翹陸家東美愛春宵可知小草天涯路
顧影風前只獨搖

口號二絕句

牡丹煨火只浮榮若
梁沿街價亦輕流去山桃流去杏
東西溝水太無情

堂燕辭巢不再來山雞對鏡且徘徊
鸛鵲鸚鵡劉琦鵲
千古風流兩賦才

贈陳又羣

真州曾憶識君初轉燭光陰廿載餘標令又驚看洗馬
脂膏猶未潤君魚一燈旅夢縈禪榻三月春光冷故廬
我亦蒯緱頻作客羨君歸教慧龍書

寄璉三首

喜汝病全愈讀書過歲寒驚心秋月夜清醺卧雷壇

講習求爲有用潤身不在浮榮堪笑杜家小草年年只
兆科名

玲瓏山館坐松根汝父相依共一樽鏡聽昨宵傳好語
明年定喜見曾孫

吳味辛以畫松祝雪菴上人壽屬題

空山老樹不言壽但覺乾坤長不朽人世繁華淘洗盡
方知歲月爲吾有老僧對松山之顛問年不知誰後先
麥城衣石誰復計歷千萬劫終蒼然畫師久識真如諦
頗見此松有僧意爲僧寫照卽是松不將僧向松間置

李晴山移居

飯甌書囊載滿車鹿門龐老又移家換巢君似將雛鳳
失酒吾慚畫足蛇梅徑不嫌人立雪杏壇應許客尋花
倘留餘地爲甥館喚取童孫作寄蝸

璉孫其子婿也

寄祝袁鯉泉明府三首

全椒山中雲化作淮南雨膏腴本寬鄉磽壤皆樂土我

公善爲政似召亦似杜乃知大賢才程功非小補
三年宦遊人飢索長安米兩鬢白如雪抽簪始歸里聽
公弦中歌飲公杯中醴躋堂介公壽三異爲公紀
我本澹蕩人乘興隨所適不作揚州官仍作揚州客何
日歸山中荆薪煮白石寄詩更祝公懷探比干策

贈郭東表

少年事筆研經史爲饕餮中年飽經術談笑輕諸侯
瞪目營四海舉足徧九州歸來對孺人白髮已盈頭偕老
葛與鮑勿更汗漫遊

牛揮雲太守屬題輦香花澗雨衣澗石牀雲書扇

因卽以十字爲韻成絕句十首

石上露猶濕林中花未開
愛閒偏早起凌曉曳青鞵
密樹來青閣疎簾綠野堂
萬花深處坐翰墨有餘香
遙磴雙峯出飛泉一道斜
不知深澗底幽草自生花
獨坐倚雲根永日無人見
萬籟寂不聞時有鳥鳴澗
盡日無人來幽懷孰與語
但聞高嶺松疑是前峯雨
山腰留宿靄山頂見朝暉
雲氣常侵袂苔痕欲上衣
千巖禹壑中樵徑無人問
洞中泉自流沙上跡常潤
峩峩千丈松蔭此一片石
石上結跏趺雙清見心跡
因樹堪爲屋眠雲便作床
空山無俗夢心地自清涼

兩崖俱屹屹一水自沄沄寫照何人筆置君松與雲

小鳥行

琅玕花樹嬌青春鸞鳳戢翼雙蛾頤女床啄菹穀音出
藍田日暖飛輕雲瓊林瑞草棲平雨彩羽未乾先學舞
大鷲高翔少鷲隨軒轅臺璫黃金縷籠禽檐雀相看悲
五色欲借冰蠶絲飛來阿閣應無數將向丹山好護持
偶仙木羽呼烟客笑聽歸昌情脉脉百轉聲同老鳳清
千年頭共鴛鴦白

湖上泛舟卽事次韻

蜀岡連延如紀堂江流淮流縈大荒伊婁古埭足環抱

崖巒向背分陰陽南兗山川尙如昨海西風景日橫擴
古洞何人到玉勾高樓幾處牽珠絡野塘螢火自熒熒
夜市柝聲還閣閣空留春沼弩芹芽賸有山花開枳殼
我昔髫年初到日舟向蓮花埂旁泊驅馬登高問谷林
歐陽遺踪窮探索三十年來景屢變開疏流水日式廓
直排舳舻繞山根亭臺高下紛丹堊疑從海上問三山
竄肯葦間專一壑羣芳疊疊樹層層似印纍纍綬若若
半生遊覽老且衰笑我行踪彌落度金帶千圍芍藥叢
玉峯幾處芙蓉嶠朝出爭看海旭升暝歸慣至林蟾落
任他滿座笑詩癩不厭連朝淹酒惡萬事真成折脚鐺

兩手甘爲無底橐年來漂泊東復西枯楊誰爲回春姿
每向歌船聞玉笛尙揎舞袖傾金卮今日顛風太侮客
孟婆急召封家姨小水亦能作巨浪竹篙强劃元與之
因思少陵漢陂上非關岑參真好奇五角六張吾輩事
自然所遇皆非時舍舟陟巘極遠眺寒雲淦淦波瀾瀾
不暇更尋竹外寺但喜暫憩波間澹風裡桃花紅簇簇
艤舟欲借花爲居遙山已失隔江青新釀且浮罇杯綠
莫言興盡便還歸更向花間恣遐矚人外猶堪作冷遊
世間何處非奇福春服冬裘在片時人生枯菀總如斯
莫謂韶光正暄燠一彈指頃有寒威

謝友人遺贈

硯暖今朝大有年，無勞去索作碑錢。
非同鶴料支憑牒，不似雞林換計篇。
百鎰兼金宜易受，一丸大藥便堪仙。
傾囊敢任劉叉搜，曾費連宵燭數椽。

贈程素園完姻

素園善弈

弈思秋儲競巧難，少年名已著長安。
宣城守自枰中得，京兆睂從鏡裏看。
珂里春光迎黻佩，珠幃淑氣勝椒蘭。
兩苕敵手休爭劫，東美雙肩玉一團。

蝶牋

芳心已付同功繭，瘦影猶爲戢翼鴛。
紙上空留難了夢，

花間應有未招魂誰從此日收香蛻定向他生種豔根
寄語魏郎年少伴好將金粉認殘痕

贈琵琶伶工

曹鋼之手何激越一片寒雲叫蒼鶻雨聲纔歇竹聲清
廣堂忽聽邊聲發啁啾碎響高入天風毛雨血屯秋烟
平原蕭瑟居廷塞野色蒼茫勅勒川燈紅酒醖名園裏
城上更深客未起觸迂平生見獵心頓教悔弄毛錐子
君不見對山當日文章豪千秋意氣紫檀槽樽前似喚
精靈出五月江城霜月高

汪斗張齋中看菊

衰年歲月肯偈玩把酒亟醉東籬畔主人堆花滿中庭
虛檐捲起護花幔狂客高談驚四筵酒至不須分聖賢
花夾兩旁人列坐如排舳艫相接連老夫對花心已醉
金谷乍逢石家季況有才子揮彩毫惜惜俊雅端相待
文字之飲穆如風分曹射覆燈光中竹西歌吹何爲者
令人悔倚商玲瓏

送吳淡止歸里應省試用東坡送鄭戶曹韻

昔君遊秦中高歌凌虛臺張衡抱四愁曹植哀七哀一
鞭歸舊廬萬事心已灰竭來羅綺鄉隻影臨清淮聽簫
廿四橋明月空徘徊隋堤風中螢燕城雨後苔懷古意

不愜命棹復言回高躅慕張邴清談眷宗雷知君卧蓬
窓懷抱何由開窮途無偉餞狂侶且深杯請勿向離亭
淚下如瓊瑰人生多會合此願豈長乖乘風好遄歸衝
雪應復來衣狗看浮雲於我何有哉

秋郊試馬次汪菜谷韻三首

紅樹林邊乍整鞍不須重戴認潘安城闌偶試驂騮足
賺得村童盡出看

初日穿林自玩鞭長楸深處更盤旋爲貪山色朝來好
故勒絲韁不肯前

棱棱霜畦宿霧明平原一望愜閒情據鞍也似新詩穩

步驟人看最老成

贈徐鳴和移寓

幾年緇素染京塵又作揚州跨鶴人
芳草晴川鄉夢遠玉簫明月酒痕新
居雖近市仍謀野宅爲依山始卜隣
我亦萍踪無住着不辭扶醉往來頻

贈鄭嵩年

幾載不見君正欲訪君耗扁舟江上來
執手忽一笑我爲泥中絮君爲波上萍
幼客走天涯何處託平生蒼松翠竹間
留君且結夏撫令心已傷談往淚一灑
努力愛景光秋風葉漸下

贈朱二亭

去年六月長安客空齋坐雨正蕭瑟忽憶芒屨朱居士
碧筒消夏荷香陌中夜浩然起長嘆何不歸去共永夕
今年六月苦炎蒸朝來怕見火雲升科頭箕踞笑相對
強我束帶真不能從此閉門惟却掃日日高歌對蒼篠
百年三萬六千場纔過一半未爲老

羅兩峯以其子繼兄後爲之娶婦

笑看新婦入青廬
長觸君懷轉一吁
數似本緣兄及弟
徽音空擬姪從姑
關山幾載頻孤嘯
骨肉今年始大醕
一盞酌君君且醉
故鄉我亦曠屠蘇

兩峯妻方氏愛其姪聘爲子婦于歸

之日兩峯已
鼓盆五載

吳並山四十時余誤以五十祝之今已十載置酒

於竹溪僧舍再作此篇

君年四十時作詩爲君祝誤稱年五十大衍引易卜讀
者皆盧胡何異書舉燭轉眼便十載流光何迅速自君
主講席如驂不離服君列高才生我領廩養卒食計指
盈千期必會以六前年別君去珠桂依

輦轂今年翻然來更向揚州宿一觴奉君前清冬氣始
肅僧院三五人開樽對殘菊聊借安樂窩共分清淨福
舊詩渾已忘陳言不堪續敢云書紀年竊效籌添屋

次朱立堂韻題爲他人作嫁衣裳卷子

命以慧斯窮名至苦乃立織綃有泉先吞箴見羅什委
聘壁千雙歸裝儀九十羅綺富與葉剪刀閒鉗澀隣舍
貧家女升斗不易給空堂對衰燈妙手爲組緝寒風穿
戶牖單衣尙未襲鷄鳴坐夜分日出誤晨汲一心爲化
裁衆神自伏習悴容黯自傷青春嗟何及窓外竹影搖
砌下蛩聲急朱門姬與姜褰飾炫出入鸞鳳繞腰身笙
歌喧內集那知箴綫箱淚漬秋鉛濕

趙甌北驚見白鬚作詩屬和

面緣白而妍鬚以黑爲美黔皙愛憎何定評吳宮更有

大帝紫髯堪稱佛白亦靈緣坡之竹安得長青青由衰
得白白得老髯聖亦須隨化過此生請君莫漫嗟衰朽
曾向杏花呈面首卽今園綺老商顏那有羣姬唾面走
我無側室堪嫌茲繞涿不愛黑山圍君不見王彪之

次韻吳暮橋除夜惠照寺守歲同誦茗上人談禪
我心非昭亦非昏但覺世間無我身熱天任布燮燭焰
掩地誰見飈車輪苦海何日得抵岸愛河到處皆迷津
今夕何夕歲已盡匆匆擾擾安足論與君且拈第一義
從此便入不二門自古四流在四大同此六慾纏六根
守宗不離戒定慧得果乃超人鬼神羨君人事盡屏絕

靜聽仙梵來花宮

依黃庭經叶讀

打灰不作如願想懷鏡不聽

無稽言飽餐分得芋半顆高卧脫却衫七斤世網全拋
眼中幻衣珠緊護身內真自非學道探其源誰能今夜
無紛紜冷參柏子定已透笑向梅花更幾巡自有茗柯
足禪味何須竹葉傾家尊筮易已得雲雷屯觀星恰值
亥子分了空頓見心卽佛來復漸數日爲人新歲又開
後一局往事何異前世因請看佛日照西閣開殿滿目
皆陽春

棕亭詩鈔卷十六

全椒 金兆燕 鍾越

癸卯元日述懷次朱立堂韻

蓬轉萍漂磨蟻旋紛紛過眼總成烟人驚健步誇腰腳
天與閒身閱歲年故里雲山雙眼外他鄉燈火一樽前
春來誰伴蘓門嘯壁上枯桐尙有絃

門神和秦西巖韻四首

一年一度一更新面目何堪憶舊春自昔司門原似鬼
由來當戶便能神酖顏欲傲鬼我我冷面應嫌剝啄賓
債主鴈行君莫問舉杯且共歲盤辛

在側居然作二豪
條冰銜定笑官曹
休嘆衰宅蕭條久
終有子門位置高
瞋目幾曾投謁易
並肩未免曳裾勞
深宵好學顛當守
隣壁餘光已盡韜

一丞一尉總微名
豈有奇才壓衆英
自以冠裳誇濟楚
那知歲序又崢嶸
終朝並立如蜚螭
一夕分張感弟兄
曾憶山門回首處
滿檐紅日曉光橫

睢盱氣象勢飛騰
傍得朱門便有權
自詫其迎新令尹
可能常作老神仙
乍臨寒士東西屋
似列名王左右賢
大綉短衣成慶畫
深宮半面記前緣

余擢京職引見
正值臘月是時宮

門皆挂門神

管松崖以次韻張松坪探梅歌見示並邀同作

昏眵老眼迷蔚藍蟄蛟終日棲愁潭松木未得飽宗測
蘭菊安能娛羅含逆風甘作退飛鷁甕爾忽見同功蠶
歛手壁上觀衆戰快焉邊地神先酣客子亦思賣春困
梅花嶺上容孤探俊賞空懷晏元獻瞋睡難醒陳圖南
賈胡異寶駭疊拾病僧禪味欣連參昨讀松坪原唱句中香氣
入肺腑朗吟不寐森燈龕西湖舊日我曾到段橋雪後
尋烟嵐幾年亭畔看放鶴時時夢裡猶攜柑自我不見
三十載刈耨那得輕忘簪何遜老滯揚州客慣聽歌吹
非所耽獨喜置身小香雪對茲玉骨猶無慚倚石愛選

皺瘦漏省心痛滌癡噴貪強韻不辭蜚屢負宛言聊作
雞空談酸心獨抱香骨冷醜枝難使孱魂詣吟肩寒薄
老梅立樹猶如此人何堪櫻胡丹白漸滿眼何限柰二
兼桃三

暮

庭深天易暮高閣尙殘陽遠樹烟中失濃花雨後香艱
難思故里逼迫住他鄉鏡裏覓雙鬢朝來已點霜

送周琴川北上

前年沾酒金臺下堀堞塵中策歸馬去年清醺雷壇前
步虛聲裡同秋眠今年纔過張燈節玉梅花下又相別

一帆春雨會通河兩岸綠楊青可擷知君求仕本爲貧
回首高堂白髮新莫言檄下催毛義還看花開擁邵詵
送管松崖漕使同年入都二首

輓鉢如登鴈齒階齋心早爲靜風霾身關國計周諮切
地近家山小住佳歌頌三春聯楚越舳舻千里控江淮
東南民力勞

宸慮好對皇華賦每懷

月燈毬映紫雲階曾共吟鑣夜碾霾歲序催人難却老
溪山容我且言佳苔岑至竟分同異風雨何堪又別淮
幾日褰帷還暫駐新苗老葉感離懷

集飲管壘白廣文署齋次朱立堂韻

桐花滿院棲階冷花裏尋師益堪請談經客到簾初陳
索酒人來斂未整高粘拓本三尺長字畫模糊墨瀋香
摩挲片紙幻如夢究精六體愧未嘗羣彥悄悄還踏踏
問奇函丈屢前席弟子爭看漢隸碑老夫且嗜秦人炙
日影初移筵早開主人起立勸深杯共樂尊前文字飲
不須帳後管絃催酒國何殊市一闕暮歸朝往吾隨眾
此地歡遊二十年白頭已被雙丸送我本歛歛歷落人
曾賦蕪城傍古閫共折今花看昔樹何堪舊渡問前津
鷗潛深港鴻遵渚轉眼流光易寒暑雞黍還教有范張

文章莫更誇燕許廣堂客散日禺中
醉眼矐矐任醉翁
天涯同是飄零客肯負詩筒與酒筒

管壑曰署江都學篆得替後以詩留別諸同人次

韻送別六首

官齋南面擁書城偏有瓜期似踐更
燕逐春風難戀暮
鵬浮曉露尚尋盟起衰八代文真古
鍊就三都賦豈儉
偉業自堪膺大用會看鳬鳥共朝正

諸子紛紛爲訂訛獨將心性辨
軀軀懸來韜鐸歸陶冶
補就陔華足嘯歌到處栽培皆有地
幾年安樂尙無巢
知君不負平生志杜牧尋春奈老何

莫嘆萊蕪寵有塵
階花庭樹總宜人
幾番前度添離思
似爲來生結淨因
弄月吟風皆是學
梳頭掃地豈關貧
詩篇酬贈朋
箋滿好句人人羨
李頻

桃李頻年只種
猷成陰未綠已相乖
好花慣憶談經地
明月空懸治事齋
螢案似留宵燭在
蜂房猶作早衙排
他年應蓋重來日
風雨何堪問別淮

晨夕過從已判年
江頭還送米家船
香名淮海行踪徧
偉饒生徒禮貌虔
別浦波明寒食節
離亭人散夕陽天
移情欲共成連去
更向雲山一撫絃

天涯我亦任東西
休向尊前悵解攜
已自隙中窺野馬

誰能鷺裡聚醺雞松間未許常相照李下還應別有蹊
鵬翮逍遙綠屨徙肯同雛宿與鳩棲

方采芝閨秀以花朝日西湖看桃花詩寄示步韻

却寄兼呈藕堂程葯泉二首

印牀琴薦逍遙地不櫛書生翰墨中白莧紫茄隨蔡約

謂其尊人藕堂

扶桑暘谷儷王融

謂其郎君程葯泉

粧樓曉對裏湖碧

吟幕春牽初日紅峯似飛來花似繡屯霞鎖霧畫橋東

曾憶西溪更向西偏提滿眼酒頻攜過殘冬日還春日

行過蘇堤又白堤瑪瑙尙存前代寺琅玕應續舊人題

錢塘潮落春何處莫聽孤山遶樹鷗

寄贈李豐亭雙壽

豐亭和州人時任休寧學博

峩峩落石臺瀾瀾下汶溪少年遊釣處夙昔夢見之廣
文官署百弓地東偏隣比大小寺我昔趨庭撰杖餘毘
盧閣上頻遊戲謫仙今日到新安葛鮑高風萬目看開
掌曰嶽雲峰峙洗硯漸江石瀨寒與君相去百里近聞
弊相思空慕簡作詩遙頌寄官齋百感紛來掩雙鬢

題羅華巖廣文聽松圖

我昔扁舟入秋浦九子峯前青可數舉杯對月憶青蓮
千載風流誰繼武華巖先生今君章江表名譽姓字香
經濟已儲理縣譜文教先登作者堂全椒山中風雨夕

門前弟子鴈行立三三冷翠夢中來雲母書燈草蟲急
畫師爲作聽松圖松下謾謾清風俱冷官坐對蒼官靜
學肆疑連雲肆虛我亦天涯未歸客故園苔裏龍鱗圻
何日科頭坐翠帷四株更補茆堂側

次韻題吳淡止觀日出圖四首

沆瀣清霄欲作霜乍看隱現海茫茫遙天尙未蒸尋燭
積水俄驚吐半璋濁夢萬家酣北里靈胎一點注東方
層臺高處披衣立自捧葵心獨向陽

湧出層淵萬丈深春風潭下有龍吟寒光閃閃千峰曉
靜夜悄悄衆籟暗候曉客應看屋角趨朝人定識班心

銅鉦一片無纖翳不似陳編有蠹蟬

衆翮深林偃故栖夢回猶戀一枝低何人得似翔風鵠
萬事都爲失且難難與映檐邀白醉已堪持鑑照元妻
洵盤素體矜初浴杜宇休爲徹夜啼

束絹初裁一匹寬寄情翰墨有餘歡精神對我千年健
胸次知君萬象蟠員嶠無人同一歎鄧林有路只長歎
桃都山下晨曦遠盼到滄涼目已酸

次韻送吳淡止歸漢上四首

鶯交曾憶有聲喧老瘁還勞更注存不以親疎殊遠近
應教鄙薄盡寬敦對衡似儻東西屋下筆驚逢左右原

纔得把君詩過日蕭齋頓覺鼎彝尊

將離時節對文無競渡年光感左徒我自交遊聯管鮑
人偏門戶重崔盧晶瑩日脚江千麗層疊雲鱗海甸鋪
客裡往來成二老不嫌巖齒破青膚

黃鶴樓頭玉吹圓知君流寓已多年扣門未免辭偏拙
逢麴安能口不涎小海唱成千古調大堤曲定萬人傳

揚葩應節男兒事試向江頭看紫蛇

石蛇亦名紫蛇

離亭相送水雲涯爲泥飛卿手更又客路慣愁難又罄
老年只勸飯頻加求珠好覓藏胎蚌飲酒休爲畫足蛇
明發一帆江漢去秋濤寒湧釣星槎

金閨曲贈楊郎

楊郎家住金閨門，金閨綵管何紛紛。
山塘七里柳陰下，變童崽子如朝雲。
楊郎生小頭琢玉，道旁行人看不足。
總角梳頭到學堂，不讀詩書惟讀曲。
院本三年絕技成，聲似春林百轉鶯。
爺娘驚喜鄉里賀，豈宜塵土埋仙瓊。
揚州夜市人如蟻，選艷徵歌闕奢綺。
一朶瑤花下玉京，千枝芍藥含羞死。
豐貂綵段歸裝新，十萬腰纏耀比隣。
但解當場粉搓面，便堪隨處金繞身。
金閨自古佳麗地，今日楊郎尤絕世。
隣巷書生昨夜歸，蕭條烟火門長閉。

四時歌四首

閨中

春眉學山碧夏甲染花紅秋院羅裳薄冬缸繡帳重

塞上

春雨草未青夏日山盡赤秋霜便擁貂冬雪全埋磧

佛寺

春花拈後笑夏雷定不聞秋塔掃黃葉冬關閉白雲

倡樓

春遊風颺花夏澡潭浸玉秋枕翠筠涼冬衾紅浪感

秋夜思歸

孤館寒燈照鬢霜獨尋歸夢自悵倥儻戀絲難側飢鷹翅

處溷羞拖黠鼠腸人抱秋心增感槩天留衰骨到蕭涼
此生何處行胸臆惟向齋前種白楊

送吳山尊歸里

涼風蕭蕭吹四壁冷露無聲階草碧江關客子動歸心
一棹衝烟趁秋汐與君明月共揚州君已過歸我尚留
鵲啼鷓鴣叫偶然事八耳偏能分餉愁君今三十未得志
仰首喚天還踢地不見江湖白髮翁齒牙落盡猶蝸寄
贈余伯扶兼悼少雲

文人困九命自古增悲歎爾弟已不祿齋志填溝渠爾
身猶栖屑不得守鄉閭老母與新嫂束腹同向隅驅爾

復出門茫茫安所如愧我窮老骨寄食他人廬欲爲將
伯助此言真虛車秋風廣陵城分手飄涼裾歸告爾弟
靈因夢尙就予

甲子闌中往字號題壁癸卯秋試門人史望之見
而錄歸蓋已四十年矣

旌門橐筆氣昂藏魚貫趨風白苧涼三策經綸舒壯志
六朝烟雨點秋光棘園鎖院人如海花發瑤臺月有香
矯首桂宮霄漢近繁星作作煥天章

秋日歸里卽復出門留別封疆垣

前年握別鳳城邊分手相看共惘然休老我猶棲異縣

銜哀君已鼓祥絃
敝廬未對宵窓燭
征馬旋衝曉戍烟
何日耦耕歸故里
同驅黃犢聽山泉

次曹忍菴韻贈種菊葉梅夫

世上何人愛隱逸
君章靖節去已久
青州跛子慕榮利
芒鞋慣向洛陽走
豈知真色在城外
吳宮佳麗出畝畝
我昨挂冠歸故山
曲柄笠子復在首
揚州花月尋舊境
乍於僻地適奇友
荒郊老圃已蕪穢
忽現妙相靡不有
或如淡粉勻笑靨
或似濃朱塗俊口
紫綬一一繞腰身
黃金鼎鼎懸臂肘
乃知世人重富貴
無異空堂逐車轍
對花痛飲賦麗句
只有曹公才八斗
老夫鈍拙強捉筆

閭姬定笑隴廉醜醉後詩成天欲暮寒烟漠漠籠高柳
法淨寺三層樓上望福緣禿失火

陰月久不雨歔氣鬱四塞出如滌煩囂泛舟蕩胸臆沿
緣至崇岡策杖謀登陟寺門敞松陰腰脚藉憩息遙瞻
萬點青忽裊一綫黑急上三層樓墟落難辨識不聞聲
喧豗但驚勢絕劣藂薄初蘊崇傑構忽墉囹高騰丹霞
輝遠迷碧嶂色倚闌其嘆詫何處遭此忒下山聞塗說
城南官河側福緣萬佛樓一炬但頃刻我時正開舸對
案不能食初地昔曾遊梵宇頗靜恤方丈粲可流布薩
亦甚力胡爲干天威炎烈及淨域神未降藻廉膏豈逢

移卽穴升光音天理昧毗騫國一嘆仗何人布此八功德

老人岡

六合縣南鄉地名老幼岡土人呼爲老人岡

少年攬轡慣尋芳曾向蝸廬寄短牀今日扶筇重到此
衰顏慚對老人岡

曉行

睡眠模糊更眯塵雙拋老淚洒車茵天留破鏡懸孤照
人似勞薪剩隻輪閃影東西驚落葉翔空上下見飛燐
冥茫泉路應相似誰爲扶攜病後身

小橋旅店二首

古戍荒邨鎖暮烟停車又到小橋邊
天憐苦旅晴兼暖人抱哀悰往復還
歸鳥投林猶有伴寒魚入夜定無眠
聞雞戒旦符簷下舊事經心十六年

垂老依人骨肉輕病中分手最傷情
蹇連詎意空來往契濶何堪判死生
顧影自嫌身是贅舉杯但有淚同傾
頻年作達天涯慣未免今宵夢不成

冬日歸里晤朱筠湄賦贈

秦淮水閣話秋烟分手俄驚又五年
故里相逢翻似客良朋小聚便如仙
霜風旅鴈無停翮冰壑鰥魚最不眠
余與筠湄先後悼亡何日與君同誓墓
草廬堅卧白雲邊

墓成

室內人何處山中墓已成幽房留半穴短策拜孤塋他
日同長卧來朝又遠征飢驅因渴葬回首淚雙傾

甲辰元旦和唐鵠舉韻二首

殘歲纔從故里還新年空愴客中顏
懶尋歐柳沿芳徑苦憶逋梅瘞冷山
心似爐灰難再熱身如檐鐵幾時閒
管盍早帽無相識宴起今朝且閉關

窓外朝暉到研南蜜梅點點正堪簪
老來興尙因花發春到人應對酒酣
孤館有誰同嘯傲曉鐘曾記與

朝參百年縱許盈算也止零星三十三

次趙雲松觀察韻寄蔣清容太史二首

老去甘爲爨下材
人間難賣是癡骸
穆生豈意匆匆去
王式真成貿貿來
出處世情分土炭
升沈俗眼判岑苔
芥舟同有江湖興
只欠坳堂水一杯

才似張華腹似邊
心燈一點竟空然
天談鄒衍誰緘口
人對洪崖但拍肩
他日記曾隨虎拜
此生應不受夔憐
何時更向揚州路
一勺同斟第五泉

李星渠侍御再巡南漕使還送之四首

伊婁古埭繞清波
兩度檐帷駐漕河
騶騎往來賓館熟
節旄前後

主恩多榜人驚捧新郵帖津吏爭傳舊榜文
看揚州
驕客在鬢霜添入醉顏酡

租船銜尾沂春濤直北榮光迓

翠旄

天子勤民周海甸使臣奏績傍江皋

帷宮夕拜霜三接藻巒朝驅冠六曹興頌

親詢知靡盬姓名先記

御屏高

看花幾載

禁城邊聯袂屏風快比肩無限交遊來假日有情朋輩

是同年栢臺霜下尊朱博槐市塵中老鄭虔今日苔岑
非隔面不堪重憶大羅天

廿四橋頭戀夕曛玉簫聲裡手輕分闌風伏雨還留我
老葉新苗又送君猿已投林難嘯侶鴻嘗遵渚定思羣
相思此後應千里莫惜郇公五朶雲

同吳暮橋湖上醉歸

晚烟漠漠林中生藕花香裏風日清小舟棹入柳陰岸
琵琶一曲飛空明海青一聲邊關去一片天鷺叫寒露
却教指下塞垣秋分與江南冷鷗鷺夕陽西下簫鼓稀
濕螢點點船頭飛晚粧人倚赤欄立涼颼吹入雙珥璫

晶簾乍捲垂纖首小影娉婷映疎柳耳畔哀絃動素心
波底魚龍紛蚺螭繁聲撚撚人嬌一輪孤月明清宵
可惜歌闌遽分手紗籠催轉香中橋莫怪老顛風景裂
此樂明朝安可詰萬頃烟波客夢涼曉風無際真清絕

游孝女賣卜養親歌

名文元揚
州江都人

閨中女兒抱一經吉凶機祥無遁形陰陽鬼神感至性
羲文周孔亦效靈春風新柳紅橋側桂薰薰舫紛如織
岸傍有女侍衰翁獨將筆硯營著策行人問女何所爲
女言親老養無資市中百錢未易得堂上雙親長苦飢
我聞此語增悵悵弱女乃能潔白養孤城鄭媪鮑家姑

相術醫方不足尚揚州習俗本華妍五烈雙忠亦後先
乾坤正氣必有在一人自足鍾其全

潘雅堂見游孝女賣卜養親歌作詩題後次韻酬
之

一燈紅照衰顏酡方寸五嶽成悲歌人生高厚共履戴
集枯集蕸何偏頗孤憤莫效韓非子且與崔駰作達旨
但教虛室常生曰定有吉祥來止止不龜手藥同所治
澣紉封侯各有宜可憐一女養二老乃勞京管奇術爲
丈夫讀經鮮有得坐費光陰良可惜女子至誠乃感神
井渫轉使我心惻長竿綴帛如陶謙開簾豈止三人占

競來端策問詹尹誰肯選德求無鹽可憐一貶但握粟
虛名豈救溝壑辱勞君和章如響卜試覓赤繩爲繫足

牽牛花

五更殘月下樓臺冷翠浮光映濕苔滅燭最宜人早起
當風慣趁露先開穿籬繞砌無拘檢入竹攀松自去來
粧閑凭肩纔小立莫教梳洗便相催

贈俞薰仲入泮

昂昂千里駒耘耘千斤犍服重且致遠萬事堪仔肩君
今發軔始日出扶桑顛富貴所自有無勞卜筮尊所願
持令名家聲克昭宜仁義勝膏粱道德有鈞甄文章且

末技利祿真老老古人重造士大昕鼓淵淵豈日弋科
名浮慕腥與羶

董太傅祠

大儒坊裏宅古井自朝昏爲憶驕王事頻驚過客魂文
孟隨陸輩學得孟荀根功利祛浮慕天人得大原文章
儕賈傳學術邁公孫奠醕杯擎玉披帷菜滿園廣川曾
攬轡繁露早窺藩惆悵江都市遺碑不可捫

題張桂巖指頭畫

彈指生一松落拳豎一石下春尙未崦嵫迫一幅已見
巨靈跡嵐光倏忽閃遙峯雲氣蒼茫出峭壁餘瀋淋漓

西復東高巖中有一綫通古藤倒挂如蒼龍力勁運腕
似運軸輿到使臂如使風寸璣尺璧那可比直壓長江
勢萬里他日懷人展此圖魂消千尺桃花水

長至日次唐鵠舉韻二首

白首相看急景同休詢北叟與南翁客懷足使愁腸直
生計全憑妙手空葭管乘時能應律蓬根着地嬾隨風
陽回黍谷知非易布暖誰施造化功

殘芋煨爐夜半時陶然一醉勝佳期登臺慣見衣雲幻
伏枕休聽鶯栗吹繞徑松篁清影合傍檐參斗碧天垂
故鄉巾襪團圓處定憶衰顏客寐遲

早春醉客卽席次韻

東風又釀早春天
階草經冬未盡虔
人遇詩衢兼酒國
心驚鴈後與花前
老松積翠常含雨
修竹屯青慣帶烟
草草杯盤難醉客
賺君無賴聳吟肩

移寓課花閣疊前韻

豈有詩章繼樂天
但無拘檢似僧虔
拋家已在春雲外
徙宅偏當社雨前
千里關河縈舊夢
一庭草樹戀新烟
強移棲息仍漂梗
何日吾廬永息肩

朱立堂招飲

移樽欵隣戶
近局便相過
舊夢我猶在
新詩君更多
借

枝同作客把酒意如何携得山雲到相看且浩歌

棕亭詩鈔卷十七

全椒 金兆燕 鍾越

乙巳元日登康山分韻得登字懷江鶴亭

三朝麗旭海東升

御宿逶迤拾級登水閣
簾知臘去火城珂勒想晨興
榮依

帝座偕千叟飽飫

天廚勝百朋應念倚樓吟望客
滄江青瑣夢頻仍

次韻送管松厓漕使入都

三度皇華照隰妍

長亭詩金 卷十一
朝章聯錫自便便選聲猶顧亭邊竹失水應憐岸上船
黍稌千艘連巨艦江淮百道湧飛泉他時開府重來此
驛路苔花似錦錢

璉孫字退若年二十矣更請余加小字余時讀淵
明詩至仰想東戶時因以東戶呼之率成二章
寄示且爲之作生日也

薄田僅數畝八口常苦饑今年值旱儉滿眼皆蒿藜
皇不足羨但懷東戶時今汝年二十舌耕代東菑我老
仍栖屑不得歸山茨何日阡陌間與汝同扶犁

東戶有餘糧棲畝夜不收衣食既克充遺滯隨所求願

汝及壯年此志庶可酬憂樂有後先詎爲一身謀三加
信偉岸六合將盧牟

七夕康山讌集

彩耀雲光照曲阿參差臺閣晚風和不因天上離愁豁
那得人閒讌會多詩入巧筵難諱拙客來酒陣且當歌
穿箴樓上空懸盼無復年時舊玉梭

自課花閣移居秋聲館二首

寢處猶存山澤儀何妨繫柅任洪厖新衣偏欲加婁敬
舊曲應難托李奇失酒每因蛇畫足逃名焉用豹留皮
依人一笑雕籠翮棲息難安又強移

玉蘭花蕊漸抽簪點蜜黃梅亦滿林短柏方欣培向日
小桃未許看成陰砌苔似染將離淚檐鳥頻聞送別音
他日循牆門外過雙橋應似畫圖深

贈俞耦生次郎薰仲入贅

玉樹三株竝影妍春風香透一枝鮮書城但得常堪擁
媚屋何妨且任延阿母不須同送女元兄未免羨登仙
狂歌記賦蘭陵棹老眼驚看小比肩

耦生新婚有蘭陵
歸棹圖余曾作長

調題
之

用臺駿留別韻送赴臨川

送爾西江路相從萬石君

黃稼堂太守
相入幕中

入湖流正濤聲

揖袂初分異地同看月他鄉各對雲翻經臺上望千里
又斜暉

與同人集飲紫玲瓏閣次唐再可韻

穠華驚層丹新葉漲生綠高楊垂疎簾暝閣排巨燭狂
客入駿顧自顧愧赳赳廣陵四月中傾城謀野曠誰能
局荒齋十笏自累跼而君不出戶召客興屢屬無庸命
棹行自富看花局性本耽靜便識復遠殆悠然張邴
間不受乾坤促樂志任閒放寄情在雅醪益宅安性恬
忘機外形束客歡夜正厭既醉歌一曲迢然發天真相
於蕩塵碌何異五老峰披雲揖匡俗

次潘雅堂述懷韻四首

豐穰本所願隔井亦有期既非東戶民敢怨炊烟遲堪
笑魯公帖空有拙言辭家家嘆糠金誰能關我饑

集羽既有鵠得稱豈無鴻所貴達人節聊以爲德充公
西乘肥馬顏子乃屢空謀道在知命聖賢不諱窮

左有花豬肉右有黃雞粥洪醉擁姬姜願指匠奴僕可
貧遍其門闥者矢弗告路人方七哀侯氏自百福

高者斯爲邱下者斯爲隰所處既不同其勢安可及請
君題柱去勿更思鄉邑枯魚對大魴空作過河泣

撻撻以除夕元旦詩寄閔次韻答之二首

春來喜汝病全除，莫向蕭齋嘆索居。
謀道好求千佛偈，致身須上萬年書。
人皆共盼仙家鶴，我亦新焚學士魚。
丹桂臨風秋賦早，孝廉船上眼同舒。

昨夜燈昏客夢回，驚從故里賦歸來。
笑扶靈壽堂前杖，滿酌屠蘇臘後杯。
終歲衰頰空自惜，何時笑口一同開。
春風寄語庭階樹，莫待三搥羯鼓催。

趙甌北以六十自述詩索和次韻應之八首

交遊千里與安期，執手新知卽故知。
花月肩開名勝地，詩書人老太平時。
客中興屢當君盡，海上情堪使我移。
有句慣因東老賦，粉牆處處劃榴皮。

洪醉休嫌外酒村文章大雅頌君存覆蕉到處堪藏鹿
燃鐵何妨暫借龕朝嶺漸迷青草色春江新長綠潮痕
落燈風後羣挑菜黍谷人家共藉溫

客窻吟嘯是生涯自壽詩先歲首賒何意華箋名士句
枉投獨樹老夫家揮毫知有澄心紙獻技難瞞醒目紗
罰酒不辭金谷數爲君更盡碧山槎

故里瓜牛亦有廬老來偏讀萬齋書自甘疏賤逢唯虎
且喜埋藏作蠹魚丸藥求仙艱一粒洗心學佛任三車
憶曾刺促長安道禁鼓高樓夜寐虛

當年走馬曲江濱共說探花句有神人以鳴岡知鸞鶴

天教動地識麒麟六條虔捧中朝令八陣威驅絕域塵
盾鼻快摩袁伏墨傳來露布憺臣隣

偶作江濱緯上蕭都成畫裏雪中蕉五千但覺空饒舌
十萬何時更纏腰雅度共欽裴叔則狂生偏愛蓋寬饒
若教南北風朝暮我亦終身伴老樵

爾歲如君七袞開春風得意鑄顏回國香蘭蕙林中立
仙露蓬瀛頂上來放眼定看元鶴下當歌應有紫雲迴
寄奴闔將南朝路海色山光入壽杯

鰈角居然亞兕觥庾鮭只合配壘蕤自知老去難勸學
敢向人前更噉名笑牒言鯖多暇日冷吟閒醉過浮生

確房春景飾邇未鼓筴憑君更播精

竹溪上人以七十自壽詩索和次韻答之四首

蓮社交遊二十年鬚眉相對各皤然閒庭徙倚三花樹
密諦圓通十地禪清淨身中標慧炬廣長舌底湧言泉
龍淵象馬支公鶴盡結三乘世外緣

十日東風乍判年新萋舊徑各紛然人間別有無雙味
眼底應逢第四禪漸可都藍挑野菜好修長觀引山泉
一龕燈下跏趺坐幾樹梅花結淨緣

荻花毬擁夜如年芋火灰殘已不然汲水擔柴身內事
拈花捉草坐中禪綠陰古樾千章樹碧澗寒流百道泉

平地華嚴樓閣壯布金須達有奇緣

庵中正建大樓

快書大有在今年衆腹直看盡果然有學門人多退院
不空長老正棲禪八關隨意留瓶鉢王鑿何心計貨泉
斌亮金聲安汰玉知君此事有前緣

郭霞峯招飲湖上余未克赴次日應叔雅以卽席

詩見示索余步韻

詩衢四達騰飛黃如君才氣真喬皇陽春之曲本難和
誰能明晰賡歸昌客子令節酬應劇徵逐半爲酒食忙
米價已苦值儉歲花事尙覺盈寬鄉今朝人日風物好
絲雞綵燕彌生光好友二三理遊展登頓各侈腰脚強

木蘭詩金 卷一
蜜梅山簪共逞豔黃如蒸栗白截肪惜哉吾行獨卻曲
閉戶聊復歌迷陽雅人高會不得與隔江山色懷青蒼
計日試燈鬧元夕畫船俱檣東門楊更須乘興作野眺
好詩定益飛寒芒老夫雖老尙好事那肯再學牆東王
二月七日郭霞峯再約湖上之飲疊前韻

春草萌綠春柳黃春郊媚景初張皇出郭一路入春境
熙熙春物皆榮昌主人艤舟獨坐待奴子先爲召客忙
過橋直入簫管地選座愛傍烟波鄉華奴媚子行酒至
滿堂杯杓俱輝光檐端老樹一株直牆頭高塔十丈強
竹約濕暈隔歲粉松圍香膩新年舫鞦韆鼓聲聞別院

曠睽醉眼矐殘陽吾儕作達無不可此生休戚憑上蒼
但得涸魚潤濕藻何異疥馬指枯楊醉中一覺殊自適
醒來燈火攢鍼芒詩章逋峭俱不易何事更計夫餘王
題趙甌北漁樵爭席圖

買臣亦負薪郅憚曾垂釣腰斧手竿纔幾時此身便令
雲山笑先生逸志儕向禽邱壑不負平生心勒崇垂鴻
萬事了銜杯溪友還相尋三漿莫漫輕先饋我與斯人
本同類一番問答各陶然海上羣鷗飛不避

張表東招飲湖上卽事次韻八首

卧聞夜雨滴空階曉起癡雲尙未開不料看花前約果

長鬚叩戶早相催

漠漠烟光帶遠林一湖春水浸春陰樓臺寂寞遊人少

詩境纔容我輩尋

絲楊踈地翠痕齊岸陰雲路欲迷飛到黃鸝原舊識

向人先爲一聲啼

過午天光漸放晴遙山已有數峯青老夫還自矜腰腳

拍手同登嶺上亭

三月風光最惱人百花相競鬪鮮新牡丹未放辛夷落

讓與天桃獨笑春

小部新聲別調妍清歌一曲晚風前是何老蚌真含媚

擎出雙珠一樣圓

雙全雙喜兩郎年
甫十三學生同貌

花宮樓閣鬱嵯峨青豆閒房寄碧波
喚取禪龕僧出定看他燈火夜來多

君家家事在詩衢海內人遵主客圖
明日老泉應首唱好教人盡識三蘓

慰鄭翼之悼亡二首

衣桁塵封簟竟牀落花時節晝初長
蕭齋又過三春雨潘鬢應添一夕霜
遺咏空教留墜絮屏魂何處覓稠桑
俸錢十萬他年事營莫營齋摠斷腸

忍淚寬君轉自憐中懷悵觸倍淒然
官齋幻作桃源境

婦服除當柿葉天定有迴腸將恨繞不須借面已哀纏
老鰥猶瞪終宵目何況神傷是少年

輓鄭西橋侍御

綵衣欣見夕郎歸執手相看話息機歲儉山中歡會少
時清篋裏諫書稀忽驚蕭綬隨星隕難遣陽戈向日揮
朝野此時同太息傷心不獨是庭幃

閔玉井作賣牛歌紀去年旱儉事今年麥大熟新
秧滿塍豐年可冀秦西壩作買牛歌爲田家誌
喜也竝索同作

去年賣牛不得主今年買牛無處所大家脫却襖與袴

打包入城付質庫得錢不敢糴米歸急向江南買牛去
手牽黃犢渡江來鼻孔新穿角未鰓老妻稚子擁立看
掣曳泥塗去復回陰虹宛屬蘭筋緊叱向朝烟越修畛
秧馬耬車尙倚牆先看黛耜牽長紉朝日初出柳陰涼
牧笛聲聲碌碡場去年大無今大有爾牛之力安可忘
牛宮重祝衣重績上坂且休勿鞭擊迴思舊日老烏犍
何處人閒葬銅鑿

林庾泉於淨香園病後作詩枉寄次韻答之

莞簟安寢興帶履忘腰足但得適卑棲何事羨遐矚雨
過山自青春至草必綠曲逆豈長貧輾轉休怨促慎勿

山水樊尚覺形骸枯開我門兩扉得君書一束爲言花
紅時似中雲白毒嬰茲獨客窮加以新病酷誰作夔蛟
憐敢兼熊魚欲螻蛄不知春盍且枉求旭我謂儉歲民
安得瘠土沃豢鴨可生金抵鵲又以玉請於題柱橋更
握出卜粟吾身甘茫茫君才豈錄錄

丙午閏秋楔日飲淨香園

閏節驚秋過錦園湔裙碧漲正當門剪來吉慶花猶在
望到孟蘭日又昏修翫客登香海閣刈禾人滿水陂村
蕭蕭春秧亭前柳三度今年照綠樽

秋海棠次同年吳舊浦韻

幽階真覺可憐生薄豔猶餘夜氣清
冷夢難成知未睡
濕鈴無語自多情腸原易熱偏多斷
心到將衰亦漸更
金屋阿嬌何處所晚風離落寄秋晴

桂花次同年吳舊浦韻

名園未入已香生露下無聲倍有情
入夜飄來三徑遠
凌晨携到一囊清莫嫌葉底藏身小
但覺風前落地輕
試問霓裳諸舊侶月中幾度擷新英

與諸同人湖上看桂歸飲吳蘭谷齋中

城南城北滿秋光客裏偏能引興長
野館不知誰地主
名園到處有天香拈棋小牒人皆靜
燒燭高齋月乍涼

良伴不虛文酒會何妨聯夕醉爲鄉

以龍井茶貽竹溪和尚詩以代柬

故人龍井來贈我頭綱片珍之如拱璧俗腸不敢嚙聞
君味道腴肺腑泠然善投以得一勲潔匹擣秋練金粟
香正濃侵曉自開殿烹之待我來一坐晦堂院

招趙雲松唐再可秦西壩張松坪泛舟湖上

共作塵中客同呼野外船電光舒阮朶霜色感馮顛遍
歷無雙境如聞第一禪涼風吹列苑秋氣入層巔四五
人中老三千界上仙黃壚高復下綠醕聖兼賢開寺花
猶少傳觴室最偏行窩非輟脚吟地且隨肩儉歲無兼

膳村居但小鮮遠看松偃蓋近藉竹橫椽酒未酣元亮
書還證服虔濕雲翻似絮老葉下如錢可惜同漂梗安
能屢肆筵名園隨地有嘉會幾人傳老占江山勝奇逢
翰墨緣且將閒歲月更稔晚秋天

璉孫亡後張萼輝以詩相安次韻答之

詒厥從今無假手敢偕名士共論文心如廢井已全涸
耳似卷荷全不聞一硯范馨空伴我三舟陶峴孰如君
關河留得衰容在垂翅回谿尚殿軍

輓吳夢星

我昔爲冷官深交惟若翁德鄰共朝夕君已爲奇童倏

忽二十年羽翮逾豐隆讀書味義根下筆稱文雄餘事
及書畫雜藝皆精通今年應秋賦意氣何熊熊妙挾穿
楊技射隼登高墉忽逢二豎侵返棹遂匆匆到家未一
日奄化遽已終我聞心骨驚撫棺切惻衷若翁執余手
哽咽眇雙瞳不意垂白人膺此毒螫攻余時援延吳寬
譬如弩弓孰意我之孫死在閨月中是時我不知猶以
昭勸聾前日訃始來肝腸裂欲空鴻飛亦已冥免脫不
可置哭子與哭孫長號憐病同天上白玉樓豈少文字
工如何必下界選取少俊充死者不可招生者路愈窮
哀哉二老友相對燈前風

紅葉

空山涼影正蕭蕭
幻出丹青總寂寥
冷豔已將浮世盡
殘霞能使客魂銷
已無秋實歸青籠
枉憶春華麗絳綃
一片傷心鋪血淚
不同松柏後時凋

同陳嘿齋樟亭吳暮橋許竹泉飲吳梅查齋中次

梅查韻

小院梅花自有春
偶緣良會乍開門
但邀世外同心侶
應勝人閒獨樂園
雞黍肯辜張劭約
雲山不礙向平婚
一樽且共方三拜
快把新詩草裏論

集課花閣分咏得梧桐四首

直幹高梧聳幽窗得靜便
綠陰生客夢猶憶五年前
秋風吹空庭落葉曾獨掃
不怨華生遲但恨凋何早
龍門當日樹百尺在空山
孳瑟更何處半枯枝已刪
老幹尙凌雲孤根此焉托
生意自紛紛碧乳垂橐鄂

紫玲瓏閣送汪劍潭北上

高齋雨脚正如麻離席愁看燭影斜
入夜還沾深巷酒當春好賦上林花
鳳城紅日人聯袂馬首青山客憶家
草草題橋看綵筆莫逢楊柳更停車

輓周蘧菴六首

分書不辭英世豪江淮禹夾荷

榮褒義方更賁

新綸寵

紫誥雙雙列棟高

難弟難兄兩駿駟孝廉船上耀芳華他時文苑看君傳
定羨三蘓占八家

偕老衰年乍悼亡那知葛鮑竟同行九原相見應相慰
飯含雙排膝下郎

天涯老友似晨星踪跡頻年又合併腸斷山陽聞笛淚
秋風聽雨綠楊城

明月高軒共一卮羨君侍立有孫枝惠連他日真追步

應憶桐陰夏課時

寄到上江廉吏祿高堂飽食足霜袖太湖瑞米留餘粒

空向靈牀奠几筵

蘧菴次子蕪泉爲太湖令值歲饑民人挖蕨得米若干石上其事御製

詩以紀之

一字至十字詩

一枝宜足多短翮無安巢二曜無停輪征夫遠遊邀三

山渺難卽極目驚洪濤四顧曠無人但見蒼垠高五兩

催曉渡孤篷自鬱陶六代感興亡京口越寒潮七弦邈

牙曠宮商誰能調八荒何茫茫矯首望松喬九逝傷心

魂烟駕不可招十酒聊堪飲獨酌成長謠

紙窗爲風雨所破和張松坪韻

千間廣廈排旅楹百尺傑閣翔高臺解衣磅礴坐其內
定覺習習清風生先生之意殊不爾但願亭以喜雨名
皎皎白間晃雲母愛之不殊珍百朋有時瓶花護曉氣
有時檐蜂喧午聲一朝霖雨大作劇紙條落索鳴鳴鳴
建瓴銀竹競鞞鞫入簾苔嚟森崢嶸奚奴駭愕遽走報
今夕難與風相迎此語先生如未聽獨凭小几肱自橫
那顧細隙盡碎裂但快急瀑爭鏗鉤憶昔長安過六月
敝車慣向泥中行東華積潦不得度西山空翠何時晴
此日四野慶霑足我亦虛做娛目畊區區片紙何足惜

牛腰幾束猶堪衡

輓鄭式齋封翁

式齋西橋侍御之父紉脩孝廉之祖是年春夏西橋紉脩皆歿

三十年前過鄭村師山講院早春溫半生客裏常攜手
今日愁中倍斷魂祭酒一鄉名與壽陽關三疊子兼孫
衰年淚眼無乾處隣笛何堪日又昏

次江橙里憶往十絕句韻

一渠春水翠痕鋪半入吳江半太湖七十二峯相隱現
尋詩人在小蓬壺

西磧人家住野雲春來桃李自紛紛幽人止作梅花伴
鄧尉歸來日未曛

楊柳陰陰銷夏灣一梳遙碧小雞山
菱荷深處渾無暑
綃幕長垂晝夢閑

翠林深處擁燈篝機杼家家一片秋
冷露三更人未睡
讀書聲在最高樓

竹屋深藏楓樹林漁舟釣雪指湖心
烹茶缸面酒初熟
獨向空山鳴素琴

仙家浮玉秉咸池白浪兼天入海遲
省識毛公壇畔路
共誰一舸載鴟夷

穿林斜認小樓臺山色湖光面面佳
暮雨瀟瀟深巷遠
過湖行牒小於鞋

三眠時節爲蠶忙矮屋低枝陰女桑僻野催租人不到
空山添得焙茶香

銅鉦一片上平隄霽色遙看到海西深塢莫嫌人起早
最驚殘夢亂鴉啼

幾年不到舊林邱夢裏釣天憶昔遊勝地雅人難再得
月明誰更擁孤舟

蓮性寺郝太僕祠

郝公名景春前明爲房縣令值
流寇圍城與其子鳴鸞僕陳宜

俱罵賊死
詔贈太僕

時危國制已搶攘盡瘁宜求保障名蟻聚久迷三里霧

鵲啼難借一枝兵千秋粉水

房陵水名

流忠孝

房縣有忠孝里

萬朵

蓮花識性情閣部衣冠梅嶺下貞魂來往訴平生

管壘白以移居詩見示次韻贈之四首

枉費周旋更折旋樂郊何處有易遷舊業未許頻經宿
新柱須教卽改絃馬柳當門隣大宅猪肝泥竈入殘年
移來家具如龐老酒榼詩囊共一肩

休將暢達效針錐鄉里難隨昨暮兒太日交遊惟六逸
朗陵門戶有雙慈新詩此日驚叉手吉夢他年看刺髭
但得一椽堪借庇三間五架總相宜

城市紛紛嫌我真贈投惟有影形神天孫難乞無雙巧
須達曾經第七貧世事險如砂縮罄交情滑似水拖尊

葭牆艾席多餘樂顏闔於今且避人

茶閣喧囂竝櫃坊隱居那得下田良白藤鉏缺携書笈
黃紙飄零挈帽箱詩境愛居花柳地酒船全向谷林堂
水明樓上烟光遠好拓疏櫺看夕陽

題陸恒軒水閣

七年不過小秦淮一帶蕪城長綠苔入室論文宜對水
出門接武似登臺妓船桺岸鶯聲過歌院桐陰鳳吹來
借榻肯容居六月

六月居其閣名也

便携一枕到蓬萊

題朱易林小照二首

知君家在水西寺山雨花開紅白多日暮陵陽祠下路

冷雲潭處有樵歌

淶水芙蓉庾杲之江南雲物惹鄉思桃花潭畔家山好
一壑堪專定有時

兕觥歸趙詩

明趙文毅公用賢劾張居三杖謫出京許相國
贈以兕觥後屢屬他姓今在曲阜顏氏家常熟
趙者庭文毅裔也誣譏翁太史覃溪乞之以歸
覃溪爲之序遍索同人賦之

忠孝杯棬世所稀故家重到倍歔歔幾年曾作顏瓢伴
今日真看趙璧歸名世文章成契券英魂俎豆載靈威

櫟亭詩鈔

卷十七

七 贈雲軒

憑君好護千秋寶常向宗祊鎮碧暉

城隅買舟招同葛菱溪陳櫟園昆仲金晚芳吳衛

中並兒子臺駿餞余伯扶歸懷孟用臺駿韻

夾城蚰蜒壕咫尺對窓牖小舟銜尾進魚貫相前後清
晨風日佳召茲忘年友少長旣咸集攄懷知夙負老夫
值良會氣味如中酒念我昔遊地來往亦已久過眼閱
繁華烟雲復何有今日孝廉船他時牛馬走話舊彌酸
辛道路阻且右津亭張布帆送君歸皖口貧客無倖餞
執袂顏孔厚驪駒一以賦江風吹江柳自我賦蹇屯占
事難料擲真且任朝穆勇難養令勦諸君抱俊才豈肯

戀南畝相期各努力經濟在反手

偶成

擁身有扇莫愁眉
奧室陰陽步步移
宅裏秦官高枕卧
徧教篡取友通期

次陸丹叔韻贈王若農

揚州明月歌聲裏
竹西寒吹夜未已
鬢絲禪榻颺茶烟
應悔從前爲貧仕
蕭齋嚴冬雪滿地
獨客朝厨清似水
開門忽見異人來
凍雀啁啾傍檐起
羨君曾到碧蓮峰
陽朔奇山面面是
揭揚嶺畔采蠻花
綢金堡下延奇士
拓盡天南耳目多
詩情豪氣爭雄歸
君官此際歎卑棲

我到其中堪樂死人生盡意湏壯年笑我顏唐已暮齒
讀書濟時湏有用揮戈難返夕陽駛撐懷言志將毋同
漫興作詩聊復爾知君明發重感傷此是東南名父子
題黃陶菴先生露筋祠詩後卽追次其韻

璧社珠沈尙有光題詩人過贊公房丹心不作浮才豔
赤手能傳烈骨香一代文章真磊落千秋淮海自蒼茫
他時藏碧荒城下過客孤吟倍感傷

題黃陶菴先生臨胸觀獵詩後卽追次其韻

滄海橫流尙表東有人揮淚向胸中爰爰極目成南渡
凜凜驚心咏北風藏窟幾人憑校計獲覓何日見奇功

韓盧朱鵲紛紜散被髮騎麟泣鬼雄

贈廖古檀兼懷王西莊

憶昔挾策長安中九衢聯袂如屏風雲裏飛翔各志目
天邊星宿皆羅胸一別流光忽三十白頭相見不相識
君猶霖雨念蒼生我已烟霞成痼疾西莊光祿致我書
問我比來復何如揚州滿眼花月地我自銜索爲枯魚
不能取酒共君飲一詩相贈慚虛車

秦西巖爲其子真州娶婦

霜風十月千林丹秋漲漸落灘沙乾
戔戔旌棧停江干船頭繡段朝霞殷
全家共載茱萸灣回颿撾鼓一霎間

真州城郭明烟瘴紛紜儼從爭提拔僦居大宅旣孔安
錦袂煜燦青廬寬香塵滿路列炬攢俟庭俟著人爭看
褰帷翁媼相見歡佳兒佳婦雙琅玕反馬有待聊盤桓
親戚情話堪團圓平原十日飲未闌大扁換舵歸于邗
入門祿飾珠髻鬟我黻子佩同鰥鵲廟見之後羅杯盤
執筭陳篋勸加餐阿翁一笑還自嘆半生旅宦車斑斑
燕京楚甸往復還不辭辛苦頻移搬百里娶婦路非難
匝月已覺精力殫從此花徑惟閉關弄孫不出花藥欄
家食自吉樂且般向平老子真癡頑

次韻贈吳梅槎

得朋不異珍珠船下筆便見羣玉府啟期三樂堪延年
淳于五斗猶進戶鼠肝蟲臂一笑輕萬事何異秋蠡股
君真憚敬足清娛我自柴參甘愚魯今年詩國壇更新
競發天光遊泰宇明月慣來照張八歇後不辭作鄭五
逸興如飛楊柳烟雋才似落梧桐雨卽今獵酒過君家
不知誰客誰爲主祝君詩興年俱增勝地烟霞任捧取
性情已似漆投膠賞析自堪水入乳

蠟梅次孔延廬韻

嚼蠟人情已飽嘗九英休向日邊揚愛君旖旎心含素
對我衰顏髮映黃豈有癡蜂還釀蜜斷無冷蝶尚尋香

本朝詩金 卷十七
膽瓶慣伴南天燭寒客偏教入錦堂

冬至夜雨中次孔延廬韻示兒子臺駿

不覺老夫耄其如鄉思濃光陰爭一綫文史賴三冬宿
釀深深酌新衣密密縫雪殘還聽雨何以慰衰慵

孔延廬於廣陵雪後生子用東坡聚星堂韻賦詩

屬和

聖涯一派鍾千葉醞面又見桃花雪醴泉有源芝有根
天上石麟自奇絕傳君昨夜喜充間我亦聞之屐齒折
是時快雪正初晴月走中街燈未滅公方危坐不肯眠
祥光繞屋金蛇掣墮地忽見盍馨兒搓抄老眼攔昏纈

幾年宦轍遍南荒全家萬里共栖屑第一兒生海舶時
滄波不動繁星瞥今年江鄉聊暫憩再索又向江人說
孔阜名駒積漸多請看四馬皆如鐵

棕亭詩鈔卷十八

全椒 金兆燕 鍾越

趙仲穆畫馬歌

新野明府官眉山所購

曹霸畫馬得真相榻上庭前屹相向伯時翰墨奪精華
放筆卽化滿川花趙雍作畫有家法大奴天育神彩洽
卷軸流傳四百年紙勞墨瘁歷塵劫何樓廡僞堆紛紜
此圖亦復孱其羣異客見之叫奇絕傾囊購得爲家珍
嗚呼此意人不識買駿豈爲千金惜君不見九江戍校
已捐軀程史猶能傳義瑜

同官眉山遊康山次韻

極曷爲生禾松何故在腹附會成幻奇夢中可得鹿學
者好稽古達人貴諧俗未暇核真贗且與恣遐矚今日
天宇清登高陟徑曲藹藹排春林渠渠縱夏屋孤亭冒
單椒層臺峙偏麓竦身入青冥決皆極綿邈山容裏遊
氛如髮未全沐江光帶夕陽如幙乍展穀俯視城內外
遠近了一目麥壠遍町畦租船銜艫舳吾鄉在何處遙
指神已屬堪笑浪蕩人欲歸猶未告老作風波民空懷
詩酒躅名花待盡開芳趾堪再辱考据君最嫻遊賞我
所欲殊勝苑山中踉位在空谷

丁未小除日七十初度孔延廬以詩見贈依韻酬

之二目

麗曆西流肯復東
逢人甘作嘒嘒翁
廩犧豈合留文伯
杯杓何須惱次公
最妒百蟲惟液雨
難隨片翮是樵風
飄零已向江湖老
但祭詩篇不送窮

禮數慚居一飯先
獨搔短髮望江天
匆匆便度山中日
擾擾都忘世上年
故里空懷童子釣
微波難續老人泉
諸峰但得看羅列
九節何殊太華顛

戊申元旦次唐鵠舉韻

窮冬陰暄曉來無
首甲春元紀瑞符
敢擬得名兼得壽
聊因聞鰈便聞觚
說詩未易同匡鼎
抗論何須似董扶

新歲閉門還獨醉晴暉冉冉下椒圖

正月五日孔延處生日即用前見贈韻祝之二首
依斗纔看柄指東斜川五日醉仙翁但聽鶯語春鳴谷
應勝羊紵夜在公詩骨清於梅嶺月宦情冷似竹林風
莫言對酒多鄉思驛路雲山正未窮

祺屏君善祀人先聯得佳兒客裡天杖履春中真樂國
壺觴林下自延年此時地產鍾靈運他日文名繼老泉
我亦衰齡猶作客當筵且共柘枝顛

正月九日泛舟湖上召客分體作詩得七律四首
客中無地可延賓聊借扁舟作散人豈爲尊花纔出郭

偶緣祭竈便邀隣才非宿麥兼三味心似春盤雜五辛
酒保園丁俱識面十年冷宦憶前身

城闌清梵對名園候客排舟櫂寺門豐歲人家多洽比
早春天氣漸晴溫鬢絲影裡真如夢歌板聲中又斷魂
林類故畦遺穗在不堪辛苦更重論

分體裁詩各闕新老夫授簡自逡巡車中膝上思前事
秋水長天總幻塵金谷又沿狂客例玉樓偏促少年人
而今假手無貽厥吟向風前倍愴神

乙未六月六日亡
孫璉十歲鴈客于

此璉卽席
成詩獻客

連舫開筵晚更移當歌對酒自尋思首禾心事乾坤在

腰斧櫟懷歲月知繞樹今花空爛漫登天昔夢久迷離
滄江一卧吾衰甚客散燈昏杖獨撐

巨超上人過訪以詩見贈次韻酬之四首

渡蘆一老過煙江清順相隨影必雙

二十年前余與夢因大和尚結詩社

師偕道揆上人同侍梵筵一時有雙珠之目

今日打包來舊地穿雲還訪鹿

門龍

江山指點六朝前一枕松寥又幾年莫怪玉樓寒起粟
燈銷雪夜聳詩肩

海日孤懸萬丈強高標櫟燭照詩狂質多羅樹真天種
便逆風時也自香

壯歲心情休更述
殘年齒髮已無餘
何時穩向焦公洞
共結瓜牛一小廬

題荆雪巖小像

名塏直隸安肅人辛丑進士戴遂堂先生之女婿也

昔日遂堂翁曾結忘年契
其子我授經其女方數歲事
去三十載存歿如隔世
老夫衰且頽息影客江裔
有客叩我門真人落天際
桃花馬上郎山抹微雲壻
昔年抱翁女屢爲乘龍計
今驚桓少君其福果不細
暇持小像軸向我索新製
我老百不堪如矢久在医
吾子富經術四海待裁制
少年登甲科萬事一揮袂
高松盤石間休擬柴扃閉
爲爾感昔懷撫今更嘆逝
惜哉玉與冰樂乃

不見衛

陳淡村以詩寄懷次韻却寄二首

梅花堪折柳堪攀故里頻從夢裡還
新雨綠添村外水舊春青在屋邊山
鄉心甸綫千重錦世路威紆九折灣
豈有文章同庾信敢言詩賦動江關

偶過鄭驛戀當時白髮衰殘水一涯
敢以桐音鳴石鼓但教菱鏡蓋瓊卮
釣遊里巷知無恙瓜芋田園曠所司
安得同呼隣舍叟與君一唱祝春辭

張水屋分司修石港場宋文丞相祠弔之以詩兼

索同作

丞相祠堂大海西，忠魂常結范公隄。
艱難走險多紆策，委曲噓枯爲惜稊。
赤日霜天留正氣，洪潮露港掃荒谿。
千秋獨灑詩人淚，簫鼓聲中杜宇啼。

春光好

江南二月春無塵，蕪梅染柳多妍新。
曉日懸鉦江氣厚，午煙飛縷市風醇。
衰鬢不知人漸老，冶遊但覺春光好。
萬里山川展畫圖，千年錦繡盈懷抱。
花月春江晝夜馳，凝粧少婦蹙蛾眉。
五更杜宇華堂夢，一葉梧桐金井悲。
長楸日暮飛華轂，夸父難追羲馭速。
暘景已沉西極西，寒窗空自炳宵燭。
春來春去爲誰忙，催送紅顏到北邙。

陌上且須歌緩緩聞中休自怨堂堂

孔延廬邀同蔣春農中翰竹溪上人遊木蘭院卽
過蓮性寺與傳宗上人談六壬之學分韻得寒
字

異縣共滯迹淹暫雖殊端軫念各在抱寫憂尋林巒曉
日照垌野濕煙留餘寒古寺慨陳迹新交有重歡楓天
與棗地楷頭多淵殫吾方念鄉邑何日歸門闌

題陳卜亭撫松玩菊小照

井絡天彭萬仞高子雲亭畔看揮毫振舟滌瀨如飛鳥
把釣滄溟欲斷鼉遠寄江湖成白首回思鄉國感青袍

灤西松菊應堪賞待側何須有二豪

書江鄭堂河賦後

黃河西北來銀夏受其利延緣出龍門厥性乃暴肆分
疏爲九道聖人巧用智因勢而利導所行在無事後世
賈讓策獨見乃棄地塢流雖有法但作目前計況今

廟堂儒窮源得根蒂試探朱元書顧茲漢魏製文瀾旣
益雄賦則當更麗請君放厥詞庶以繼其志

戊申四月二十日許鍾靈椿王東山文泗戴馥庭

益陳向山景賢朱配青絃李冠三周南張禮從

本宜朱方來絃吳旅徵聯祥諸茂才邀至條園

看芍藥先至桃花庵拉石莊上人郭定水道士
同行晚飲長春橋下石莊吹簫和道士長歌而
別

廣陵四月風日慙花境濃似文境酣諸生愛花兼愛道
訪壽先過桃花庵桃花庵路我舊識紅霞千尺臨深潭
石莊上人退院後新招良友同禪龕終南山中老道士
問年一百二十三枕旁止有參同契靜裡閒共枯僧參
好客不嫌羣彥少看花便共煙巖探園亭宛轉人錯落
仙翁扶杖南榮南花間婦孺驚且顧看場人似圍幮檻
日晚放船入幽僻長春橋倚深巉巖推篷設筵競足坐

酒行先勸踞觚聃洞簫聲裡妍唱發兩老相和樂且耽
我謂諸生試靜聽鸞吟鳳嘯真幽覃若無鍊形服氣法
安得此響驚松栟養生主卽作文訣善刀緣督非虛談
夜半飲罷各相別白雲深處波光涵

題鮑雲表小照二首

奇峰三十六古松千萬株鰕湖鷺嶺間處處皆仙區我
昔登天梯遊三天子都欲訪阮宣平雲海不可渝側身
歸故鄉閒拋豁落圖誰知塵世閒乃有黃綺徒

繕性得清娛褪躬遠殆辱終日手一編家傳世孝錄一
生篤天倫爲善若不足陰德紀比干芳譽著荀淑靈芝

告其祥流慶溢川瀆請看萬石君門內皆雍肅

王岵瞻以所作畫幅印章爲贈賦此謝之

作畫用筆如用鐵篆刻用鐵如用筆雙技何人號最工
吳下王郎稱第一今年觸熱渡江來繞遍隋堤樹幾回
竹西歌吹不肯顧獨向禪關坐綠苔老夫人外甘蟬蛻
忽見奇才似搔背寶君二妙弄巾箱什襲如逢漢皋珮
絕藝人間未易求枉將夜市入揚州五色米囊難飽腹
畫上 一函私印極絨愁
罌粟

毛海客周小濂毛青士各次余正月九日湖上宴

集詩韻爲贈疊韻奉酬兼送海客赴陝四首

征鴻何意忽來賓
挈偶携雛訪故人
匿跡井丹誰設饌
傾心王翰願爲隣
藜蟲腸胃宜知苦
壘日行藏各受辛
願以餘年依法印
可能葦草化金身

那有商顏聚綺園
逐江聊復寄柴門
問年我已甘頽落
懷寶君皆足晏溫
文苑鄒枚頻逐隊
騷壇屈宋孰招魂
月泉此日開吟社
風雅從君一細論

聯篇疊和各爭新
索笑當檐更一巡
驚向屢窗看豔雪
敢拈虬脯落輕塵
興來未覺勞真宰
去後何從覓替人
爲愛公輪頻出面
自慚全似忖留神

猿驚鶴怨稚圭移
回首山茨定繫思
故態朋儔應可諒

此情兒輩莫教知江關春去空留滯隴水秋深慣別離
共倚暮雲懷渭北忍令徐榻久閒摺

次韻送毛海客之官秦中四首

昔年談藝共陰何學海探源駭巨波十丈軟塵揮手易
二分明月照愁多鶯花有分還同醉牛女無端忽渡河
聯句幾宵成會合故人心性本煙蘿

詩名太早服官遲日月昭昭浸已馳蘋藻新文蕭叔佐
風塵舊驛鄭當時從今拄笏頻叉手未許搔頭更弄姿
自向訟堂親畫諾方知重任是牽絲

歷落欹崎慣笑人縮成無着與天親可堪道上頻嘲鬼

難向河邊共解神
白社已威輦結元亭
休逐子雲貧
他年歸隱松陵下
好向烟波更買隣

離亭客散一燈殘
更取絃桐爲我彈
不怨關河行路遠
只愁梳裹入時難
安巢偶自憑蚊睫
知味毋輕食馬肝
臨別更無言可贈
赤龍千里盼陶安

竹西亭

竹西芳徑聳高亭
灣近茱萸一水明
積嶽苔花寒井在
長廊風雨斷碑橫
山光禪智成今古
老葉新苗管送迎
夜火松明前路遠
風波堆裡又孤征

擬歐陽公取蓮召伯湖傳花宴客詩

謝公埭植滿湖花村烟社兩農人家健步遠移畫盆到
醉翁堂上凌朝霞揚州太守大召客碩土雅材森列戟
一朵花傳酒一杯花光人影動遙碧風裝水佩暮天秋
一片邛溂秋水流不入華筵供採擷幾枝零落斷湖頭
八月八日集江橙里齋中

秋暑連朝劇今宵乍有風感時驚露白密坐對燈紅涼
月弦初上高天幕自空關心兒輩事單席矮檐中

八月十六日夜康山觀劇樂未闌朱立堂拉登山
頂高臺玩月主人命侍兒取酒至同飲既醉命

筆放歌

笙歌雜遝夜未央。千餘列炬昭回廊。仰首忽見一輪月。
碧天萬里懸孤光。高人入喧翻愛寂。携我拾級尋幽皇。
康山高臺矗山頂。俯視城郭何冥茫。檣燈爍目影燦燦。
松濤盈耳聲琅琅。此時下界半濁夢。誰吸沆瀣耽高涼。
而我兩人得真趣。置身忽在蓬瀛旁。主人愛客送酒至。
對酌逕醉神洋洋。坡公昔日承天寺。右丞當年華子岡。
姮娥歷歷數今昔。何異一夢聞黃梁。半酣更入衆賓座。
自矜衣袖餘天香。

張松坪患癘在足。又驚家人不戒於火。趙雲松以
詩慰之。囑余次韻。

蹠蹠纔聞累起居，樽攸俄駭迫階除。似同樂正多憂色，敢向參軍有賀書。性定形骸消蹙整，心空天地卽蘧廬。室中身內全無恙，氣朔憑他大小餘。

朱桐村以張南華題楊子鶴寒窗讀書圖卷子索

題卽步原韻五首

曾依天祿伴長恩

余官博士時曾派入四庫館分校

此日江津獨閉門

五十二年懷舊事，至今文苑重邢溫。

雍正辛亥，余年十一歲，卽謁宮詹於

揚州旅邸

石谷當年上座生，蕭然水石總虛明。自從添得官詹句，

畫意詩情絕世清。

翠竹蒼松信筆書幽人奇境是冬餘寒鴉歸後天將暮
知傍寥寥揚子居

入世無如七不堪只於羣籍耐沉酣何時讀盡家山裡
風雪荒廬一整函

鑒古須教更轍今千秋風雅故人心他年貢入瑯嬛府
錦暉應知祕惜深

周小濂以傍花村賞鞠詩見示卽次其韻八首

佳句真能以我愁病中悔不共清遊傳杯知怯三分冷
下筆俄驚白面秋庚信小園聊嘯傲羅含深宅暫淹留
勞君相賞鳳塵外白露清霜夜自悠

楊青言金 卷十
天桃穠李久相猜月觀風亭日日來獨以遠心當衆艷
略施真色爲秋開范村有譜淆訛久酈谷無緣歲月催
一繫孤舟蕭瑟甚故園干本爲誰栽

侍郎荒冢倚花前華表巍巍對客筵冷蕊易迷三里霧
枯叢空結再生緣墓田寂寞朝煙澹翁仲吟坼落照鮮
剩有濕螢三四點依枝帶葉有誰憐

幻成癡絕強吟詩有韻無塵忒費思老圃空開三徑望
重陽誰共一杯持抱寒自覺全無謂觸熱心知總不宜
樺燭半條秋館靜空牆繪得影真奇

貞姿霜下忒分明日對秋風太瘦生但得一枝酬冷節

任他九日詫金精
露滋東畝新苗盛
日照南窗晚節榮
小圃更勞修竹援
人人共羨庾蘭成

落英滿把當朝餐
便抵仙人藥一丸
秋影自肥花自瘦
風光宜暖骨宜寒
披香坐久惺忪甚
冒雨尋來取次看
霜序漸過春漸到
應知獨立後時難

青女霜中伴客尋
興來聊作短長吟
駉丞一片蕭寒意
陶令千秋澹泊心
白自無瑕堪比玉
黃知不褪是真金
繞庭壽客頻相對
獨愧衰顏病不斟

且向名山盡一觴
夕陽東壁漸昏黃
團圓杯斚成奇韻
抖擻精神對古香
列座但盈佳友在
放歌不厭老夫狂

寒泉一盞如同薦鶴去孤山定不忘

贈醫士曹翰臣

儒術旣備醫術良幽通元化兼壽光腥羶窟裏餌麻朮
少壯召如桃花強老夫不歸故鄉伊婁垓上空奔忙
一朝腰膂乍跌仆此時精消神已亡目瞪口呆噤但偃卧
衆醫熟視徒傍徨先生檢取一丸藥服之頓覺形神臧
徐徐飲子爲調護匝月行動俄如常元生索我詩我詩
豈足充餽糧念子活我無以報聊以譚語當頌揚明年
春至登歸航與君握別頻迴腸感君贈言徵至愛青藜
潦葉同遠將從此閉戶脚挂壁不敢信步逢迷陽

多日病痊後張友堂以詩見慰步韻奉酬二首

續不銖身火不星忍寒猶自戀殘形
芷軀槁腦成何事
繪紙銀笏枉乞靈已墮中陰千丈黑
忽驚長命一燈青
飈車若竟乘風去不用旁人甚脫扃

良鑑珍饋疊來時好友殷勤勸朵頤
但得饌饔何允肉
肯輕便唱鮑家詩天當寒閉全無謂
人到殘百不宜
賸有千行思舊淚與君揮洒向松帷
時同會潘雅堂比部葬

題吳舊浦同年海水移情小照

少年同上長安道鳳城雲裡雞鳴早
九衢聯袂若屏風
魏三張八同傾倒中年分郡坐畢比
同作江東學者師

廣文之官但飽飯一飽自傲皇與義晚年飢走揚州市
揚州夜市人如蟻飯甕我憂將屢空書囊君嘆頻移徙
人生集苑復集枯有生黷也非一途萬里之流方濯足
蹄涔安足停槎泔滄溟爲家飫沆瀣鴻飛脫網無拘礙
請君放眼觀六虛休將暇豫羨吾吾

張佩文繼聘妻巴孺人貞節詩

作卦首乾坤貞乃無不利家人利女貞風火備大義所
以貞與恒其德永厥世胖合女隨男守貞有不字一旦
得所天片言成鼎峙況當幣聘將如臣已委贄之死矣
靡他明道乃正誼卓哉巴孺人守信若結駟小小潛深

閨四德已充備維時厥夫鰥黃口猶未晬遣媒求賢淑
嬰孩仗哺飼父母知此女堪任艱大遺首肯許之婚繼
室匪所忌昊天乃不弔死喪倏相繼良人亦乍殞玉樓
召何遽人言有福女終不作次髮逝將求燕婉偕老看
佩璫孺人怫然起吾身已有寄一諾重千金此事豈兒
戲父母許字時原云兒待芘我豈舍藐孤別行圖伉儷
樵心乃嘔血卽往謁靈輒翁姑哭失聲抱兒以付之數
載侍姑側保抱而携持能言復能行親戚誇佳兒他時
羽翼成足以報洪慈努力愛春暉勤劬培弱枝此兒又
短折肝腸如寸劓慟哭向高天我何以生爲自此神若

銷骨肉瘦不支一病遂不起長與斯世辭側聞古人言
生死若晝夜守正以待終純德執克亞昔聞諸葛公
勉佐後主秋風五丈原赤星降營所聖賢嘉其志庸人
計其功嗚呼巴孺人撫孤乃無終聞者爲酸鼻見者各
搥胸當今

天子聖貞節尤所崇此見

褒異恩綽楔凌蒼穹乾坤與日月貞觀而貞明惟貞乃
不息此理原至誠昔與君尊人論古多奇聞常言漢唐
來節士不易覲我云懷清臺君家有遺跡趨庭聞至訓
孺人常悚息今日巖西君遮須聞此事定喜閨中兒乃

與英傑媿況聞君舅宅河嶽久鍾靈南邦仰文獻東閣
多耆英讀書雋彥士濟濟盈階庭貞理永不敝貞報必
惟馨貞下復起元悠悠元且亨

題王一齋撫松圖小照三首

蒼翠侵衣濕風濤入耳喧雲根回轉處知有薜蘿村
楓柳坐看合抱樗櫟大可蔽牛此樹棟梁何日空山日
日吟秋

處士曾聞號七松鬚眉應與此翁同憑君莫向虛堂挂
賺得高天鶴舞空

己酉人日次竹溪上人韻

草堂遊已慣，吾意在烟蘿。歲序如流水，人情戀舊柯。客
心空際遠，禪意定中多。他日題詩客，應憐勞者歌。時余將歸里

補哭吳奎壁兼呈乃翁暮橋

去冬我病篤，君正生痘瘡。謂此小科病，旬日可奏康。私
恐就木人，無由登君牀。逮我扶杖起，而君竟已殤。彼蒼
何夢夢，存亡亦無常。今春與乃翁執手，彌感愴前。若我
來時，君初入書堂。向我問奇字，訓詁不厭詳。十五通經
義，十六遊宮牆。僉謂暮橋翁，有此真琳琅。云年失解歸，
悲憤刻難忘。老夫過相慰，少年日方長。已成命中技，何

妨一矢亡而君感喟深發言令我傷吾父少力學期志
在騰驤功名一無成食貧兩鬢霜小子不自振何以供
資糗吾時聞君言知君天性誠通告同社人茲豈栗果
耶今年我將歸江上呼春航忍溷塵途家蕭蕭苦徑荒
揚州雖寓舍已同三宿桑友朋不忍離牽裾排餞觴家
家作死別步步離故房有如遠徙人回顧增傍徨我有
泉下孫去我已冥茫君今定相見修文成鴈行爲言頽
老叟逝將歸故鄉棲枝旣已失乞食無津梁歸定追飢
甕相與赴阡岡家書無可寄示之以此章

江橙里邀同人飲餞于古木蘭院吳梅樸成七律

一首送別次韻謝之

莫遣離情入老懷空廊正聽飯鐘殘且携好友搖春艇
難喚詩僧到夜臺誦若歿已三載面目漸隨愁裡換夢魂還入
定中來木蘭花發人旋去剩有紗籠故紙堆

次吳暮橋送行韻留別

歸畱行各有言好友至論相觸迂子規鷓鴣盡情啼
老夫止如鶴抱乳此地似結前世緣此別但有來生聚
況我與子銘素心如風春風雨春雨山雌志在求飲啄
幕燕安得久居處獨客往還四十年山光禪智契賓主
老境幸味甘蔗甘客遊誰識苦荼苦猶憶薄宦乍歸田

悔不小人止懷土耦耕尚有沮溺輩閉戶便是禽尚侶
投贈誰解南金雙鬢身止索羊皮五生平大有柘枝顛
醉後不辭老婦舞君不見太王好色將去邠走馬且率
西水辭

次吳學庵送行韻畱別

平生不慣寢山儀竿木隨身老尚持末契友朋誰管鮑
暮年兄弟止夫緣春光正好偏將別客路頻歧莫更悲
記取定交蓮社下頭陀腸斷昔年碑

余與學庵相識於
菽根禪室今菽根

已化去二
十年矣

次朱二亭送行韻畱別

第七久甘須達貧故園歸趁未殘春空餘遠道垂天翼
誰見飈車掩地輪從此求仙惟鍊已祇今觸熱莫因人
青山舊地堪埋骨不作靈均蠅蠹臣

次朱立堂送行韻留別

風來塵自揚雨過雲旋去人生非鹿豕安得常相聚與
君數十年會合在征路月滿庾亮樓香繞官梅樹惟君
弟與昂豁達披心素哲兄骭髀人夷庚無窘步一自歸
道山忍淚誦前句君持英俊姿屢向揚州住我爲解官
來七子詩壇赴康山懷武功勝遊欣把晤每因唱和時
彌感齒髮暮如水以水投如塗以塗附我甘作倉唐餘

糧參鴈鷺去年同雅集聽歌長顧誤其陟康山顛矯首
白雲度君眼不昏眇月下看細註君耳最聰達聲聞得
大悟而我勉後偕濟勝已無具再拜與君別此別休回
顧鴻飛已冥冥弋人更何慕

次吳梅查送行韻留別

人生若辛盤暫合薑與椒復如元夕燈難避雨中鷗昔
日樽酒會楚楚多俊髦論交無遠近哦詩夕復朝揚州
歌吹地爲我托命巢罷官還作客敝裘思續貂荏苒七
八年衰鬢倚花嬌安思冰成山豈有水覆槽曾不悔蹉
跌猶自頻推敲少年重意氣執手申漆膠老子不曉事

閉目持雙橈終身有誓言一旦永相拋躍金思善治飛
土求良陶與君一揖後回首路正遙壯歲易爲別春風
攀柳條衰老復分飛安得頻相邀請君且盡醉勿睎征
帆搖他日倘復來雲濶天寥寥

咏牛和俞耦生韻

遠道踉蹌一牯牛無輪可駕且歸陬已知筋力全衰憊
那有倉箱可代謀春水溪邊尋柳影夕陽山上盼汗甍
也知上坂堪休息可奈全家責餽餽

春日歸里贈袁鯉泉明府二首

繡雨花開召伯棠遙看雲影護隣疆

時署合肥篆奉以
交至全椒治獄似

聞移蔭春將去仍喜高懸鏡有光人擁檐帷欣駐宿客
瞻華館肅趨蹌修容入廢吾慚甚覲面應驚兩鬢霜
百里肥泉浩浩流揮鞭正盼稻孫樓仁風忽得中途遇
野獲真堪道上謀千里歸飛知倦翮一枝容寄勝鳴騶
門庭長似林宗郭常客應難刺徑投

贈陳淡村

夢裡家山六七年今春纔得布帆懸冥迷似醉扶頭酒
灑落初開軟脚筵戚友不堪搜地下謂吳杉亭壯懷且與話
燈前知君未肯全忘世千里爭看祖述鞭

汪草亭三月初九日七十初度余時遠歸奉祝而

主人近出不晤留此請正

布帆千里度長康到眼家山喜欲狂故里正爲真率會
老夫自愛水雲鄉菜花滿逕人偏出柳影當門客未忘
寄語龐公歸及早有人停屐在濃桑

吳梅查同江橙里吳竹如羅漈川項小溪過惠照
寺看藤花辱詩寄懷步韻奉答兼致諸公

昔年誦茗師詩境聞仙梵妙義每相尋五字必古澹斯
人旣云寂經窗老樹暗頻年其吾友廣庭坐餘陰仲春
叨偉餞名園襲衆艷衰年淹病身過此屢不厭今日藤
花下天光開一鑑銜杯共憶我坐久頻呻欠安得縮地

豚一往共鉛槧

贈王仲朗醫士

我昔稚齒時腹痛邊地不可治忽遇隣叟一丸藥服之
如逢元化醫此翁有子俊且慧延入家塾爲我師我師
年少志倜儻愛我如獲珠在掌二十早冠諸生籍精研
家學重里黨燕也東西南北人不知騏驎在東隣年過
七十返初服病謁良醫乃遇君爲言昔夢真如駛醉挽
白鬚對吾子肯將儒術契天心此是緩和三世里

招諸戚友集盡性齋中

老屋依然月在中又開蓬戶延諸公村廬泉下詢新故

車馬明遊感異同一飽纔知鄉味好十年休怨客途窮
扶衰未敢貪家食且趁池荷醉碧筒

贈吳愚溪

前月茅徑初修治好友爲我增欣嬉命酒呼樂入我室
張燈入夜不知疲愚溪吳子最少俊酒酣執手索我詩
我時半醉應曰諾當階一笑旋忘之人生憂樂本相倚
月來一病幾不起今夕招涼眄庭樹自快此身猶不死
浮生俯仰七十餘懸崖撒手隨歸墟寸絲不挂無所戀
清風明月還太虛忽憶醉中諾詩債此債不償亦一害
倏起挑燈搆一篇寄君鬼語人應怪

寄陳向山二首

蕭齋一載其論文續學劬書爾最勤王氏聲華惟勃勗
陸家才藻重機雲乍驚拔萃羣倫出更示周行上國聞
矯首孝廉船上望新秋健翮趁奇曠

三十登壇衆所傾文章政事合相并亨衢交契皆風雅
遠道音書識性情未沫音微存樂廣無雙聲價在慈明
長安舊友如相訊爲道衰慵尚力耕

壽汪鄰初七十

高捧耆英會裏樽共尋三隱向桑根年排甲乙爲深友

誼結丁壬作世婚

余次女適君胞姪名梯雲
長孫女字君次孫名丙

太白踏歌

成夙契惠連遺步有名孫羨君內集多文藻家慶良時
正杜門

葉竹孫自滇南來晤後卽歸新安詩以送之

人生天地閒水萍與風絮一面遂相離不知在何處會
合亦甚易此中實有天握手雖匆遽亦成翰墨緣君挾
匡時策名動東諸侯歸解陸賈襄暫憩陶峴舟聞昔住
五華南詔尊勝流我有不癡叔謂軒來叔相與成綢繆君今
已遄歸伊人猶久畱傷哉石德林不得首故邱

陳淡村招賞芍藥卽席分賦七律四首

幾年看遍廣陵花今日鄰園致倍賒名士正宜新櫛沐

美人何用舊箏
玳簾前宿雨
鸞鳴鵲門外
流泉正奏蛙
一枕琅玕留午
睡夢回牆角
夕陽斜

小門深巷轉肩
輿晏子何妨
近市居慣許
近朋頻獵酒
更儲新釀爲
澆書好花顏
色偏三變故
里賓儔總六
如燭醉莫辭
街鼓動盈街
列炬夜歸初

清和時節晝
懨懨花落晴
泥帶雨黏小
院恰排雙樹
直高樓正對
一峰尖長齋
好共庚申守
新齋還驚乙
巳占漫學青
州劉跛子一
年一度更何
嫌

主人好客節
園廬爲結耆
英挈老夫自
愧虎牙年已
暮其憐犀首
事全無二紅
甌熟山中飯
七白香盈雨
後蔬

從此比隣來往易芒鞋竹杖短童扶

送葛厚安北上

昔年我官揚州時君家兄弟如瓊枝日月推遷二十載
老夫項背如華離今君北上長安道謁選喜逢官職好
黃綬堪分百里符赤米可使全家飽治民休更怨官卑
丈夫偉績無不爲一朝展翅看鵬翼便羨溟雲九萬垂
君家種德德自古父兄早命龍與虎經濟遙傳奕葉光
姓名定著官聯譜我已衰頽匿願虛君方卓犖發軔初
他時鄉里徵名宦好任鱣巴噉唾餘

潤生姪孫過書齋以素簪索句口占應之二首

秋陰漠漠罩簾旌
門外無人自獨行
三伏已過涼又至
牆根蟋蟀亂喧鳴

寂處蕭齋更不譁
病餘書卷任敲斜
吾家杜位吾宗秀
入室談文勝賞花

揚州磚街柏華陞刻